

精校本
斷句

傷寒大白

王八錯署簽



傷寒大白卷四

雲間秦之楨皇士纂著

孟河費慎甫校訂

下利

下利當分陰陽表裏。在表有寒溼風溼溼熱在裏有積熱傷食藏寒冷飲外感寒溼。下利惡寒身痛無汗脈浮瀉下清水色如屋漏口不作渴此寒溼傷於太陽也。北方麻黃桂枝湯。江南用羌胡敗毒散先散毒邪利未止五苓散分利小便。便若頭額眼眶痛六脈長大此寒溼傷於陽明也。蒼防乾葛湯解表後用猪苓湯利小便。若時寒時熱六脈弦大此寒溼傷於少陽也。以柴苓湯主之。外感風溼下利則骨節煩疼惡風身痛自汗脈浮此風溼傷於太陽也。北方用桂枝防風湯。江南羌活防風湯。小便不利。蒼防四苓散。若額痛目痛手足拘痛身熱多汗六脈長大此風溼傷陽明也。蒼防乾葛湯利未止合猪苓湯。若寒熱往來嘔而口苦此風溼傷於少陽也。蒼防柴胡湯主之。外感溼熱下利發熱惡寒六脈浮大此溼熱傷於太陽也。先用羌獨敗毒散發表後用清溼熱。若發熱自汗六

脈長數此溼熱傷於陽明也。先用乾薑石羔湯，後用川連枳殼湯。若寒熱口苦，此溼熱傷於少陽也。先用柴胡湯，後用黃芩芍藥湯。河間芍藥黃連湯，臍腹作痛，裏急後重。大柴胡湯，香連丸。又有發熱汗出，煩躁口乾，頭痛身痛，時寒時熱，下利。脈大，三陽挾熱下利，俗名漏底傷寒。此溼熱先傷腸胃，又因早晚風露外束，溼熱不得外泄，下流大腸而下利。宜以羌防柴苓湯先散表邪，後以猪苓湯分利溼熱。若寒熱往來，口苦而嘔，症兼少陽，宜柴胡湯。此症若不先散表邪，即用清裏，則表邪內縮，不死不休。又有表邪已解，裏熱不散而下利，當用清裏治法。如黃芩黃連湯、香黃翹等。若痛而即利，利後稍減少，項復痛，復利，宜川連枳殼湯。欲便不得便，腹痛有下症，承氣湯下之。忌有飲食不節，損傷腸胃，腹中常痛，常利者，此傷食成利症也。宜保和平胃散、家秘消積散。又有本是積熱，日發熱，口乾，過食生冷，以致腸鳴下利。此因熱傷冷症，宜大順飲等。另有初起不發熱，口不渴，小便清白，大便滑泄下利。六脈沉遲，此三陰藏寒下利也。輕者理中湯，重者四逆湯。夫三陰寒利，脈宜沉小，三陽外感下利，脈忌沉小。內傷下利，左

闕弦大者主死外感下利左闕弦大反不作死論以人迎脈大正合外感身熱症耳。

太陽病外證未除而數下之遂協熱而利利下不止心下痞鞭表裏不利者桂枝人參湯主之。

表症誤下若不見表邪變下利痞滿結胸者用瀉心湯陷胸湯今下後表裏不解故仍用桂枝解表加人參和中氣。

傷寒服湯藥下利不止心下痞鞭服瀉心湯已復以他藥下之利不止醫以理中與之利益其理中者理中焦此利在下焦赤石脂禹餘糧湯主之復利不止者當利其小便。

此因誤下多下以致下焦不固又以理中誤治中焦故用固下焦藥設利不止又當分利小便以此條是水穀利耳。

傷寒發熱汗出不解心下痞鞭嘔吐而下利者大柴胡湯主之。

發熱陽邪也汗出不解心下痞鞭而下利裏症也故以此方雙解表裏。



太陽與少陽合病。自下利者。與黃芩湯。若嘔者。黃芩加半夏生薑。

太陽與少陽合病。自下利。宜治少陽。故用黃芩湯。若見嘔。加半夏生薑。

陽明少陽合病。必下利。其脈不負者。順也。負者失也。互相尅賊者。為負。通脈滑而數者。有宿食也。當下之。宜承氣湯。

木邪乘尅。腸胃下利。若少陽脈大。則陽明受病重。設陽明脈滑數。方可下之。此闕防下利。忌陽明脈弱。更不可誤下。

太陰之為病。腹滿而吐食。不下。自利益甚。時腹自痛。若下之。必胸下結鞭。

太陰腹滿吐食。不下。自利而腹自痛。非陽明下症。腹痛若誤下之。則胸下結硬。自利不渴者。屬太陰。以其藏有寒故也。當溫之。宜服四逆輩。

上章以腹滿吐食。自利。定真太陰。此章以自利不渴。承明太陰寒症。尚論書皆註熱邪。誤也。

傷寒脈浮而緩。手足自溫者。繫在太陰。太陰當發身黃。若小便自利。不能發黃。至七八日。雖暴煩下利。日十餘行。必自止。以脾家實。穢腐當去故也。

脈浮。陽脈也。脈緩。太陰也。上章以自利不渴。定其太陰寒症下利。此章以脈浮。手足自溫。定其太陰溼熱下利。太陰溼熱。當發身黃。若小便自利。不發黃。至七八日。大便結硬。此外傳陽明溼熱。變燥而為脾約等症。若不外傳。而發暴煩下利。雖每日十餘行。溼熱去盡。必自止而愈。以脾熱微腐。當去者也。同一太陰熱邪。以溼熱繫住太陰下利。則入太陰篇。以外傳陽明溼熱變燥。大便乾結。則入陽明篇。此千古未白。

少陰病。二三日。至四五日。腹痛。小便不利。下利不止。便膿血者。桃花湯主之。

此言少陰火虛滑脫。便膿血。宜用桃花湯。舊註陽邪傳入誤也。

少陰病。便膿血者。可刺。

此言少陰熱病。便膿血。不可用桃花湯。但可刺泄血中之熱。

少陰病。下利六七日。咳而嘔渴。心煩不得眠者。豬苓湯主之。

少陰病。自利清水。色純清。心下必痛。口乾燥者。急下之。宜大承氣湯。

上二條。皆少陰熱症。詳註渴門。

傷寒先厥後發熱下利必自止咳反汗出咽中痛者其喉為痺。

先厥後發熱則真陽回而利止。若反汗出咽中痛則回陽太過上冲其喉必痺。

發熱無汗而利必自止。若不止必便膿血。便膿血者其喉不痺。

陽經發熱無汗利必不止。陰經發熱無汗利必自止。若不止而無汗則回陽太過下移大腸而必便膿血。熱邪下泄故喉不痺。

下利腹脹滿身體疼痛者先溫其裏乃攻其表。溫裏宜四逆湯。攻表宜桂枝湯。此言裏寒之人外冒表邪之症。下利腹脹滿是裏寒身體疼痛者是表邪。下利腹脹之身痛必以四逆湯先救裏後以桂枝湯再發表。

下利清穀不可攻表。汗出必脹滿。

此重申下利清穀必先救裏。若先發其汗出必脹滿不治。

下利有微熱而渴脈弱者今自愈。下利脈數而渴者今自愈。設不瘥必清膿血。以有熱故也。下利脈數有微熱汗出今自愈。設復緊為未解。



前條言下利清穀外冒表寒之利。此條言微熱而渴。又見脈弱。則邪衰正復。故令自愈。第二段言脈數而渴。較之上段。則裏有熱。故設不瀉。必下膿血。第三段言脈數微熱。是表熱內陷。故自汗出。令自愈。設復緊。則表邪伏而未散。下利寸脈反浮數。尺中自澀者。必圜膿血。

寸脈主氣。尺脈主血。今寸脈浮數。氣中有熱。尺中自澀。血分受傷。熱勝於血。故必圜膿血。

下利脈沈弦者。下重也。脈大者為未止。脈微弱數者。為欲自止。雖發熱不死。下利脈沉弦。則邪滿於裏。故下重。若脈太過而大。為未愈。必得微弱而數。乃為自止。即或脈數發熱。乃沉弦轉陽。亦不主死。

熱利下重者。白頭翁湯主之。

此言熱利。以明上條皆寒利。下條皆熱利也。熱利下重。火熱下迫。故用清火。下利欲飲水者。以有熱故也。白頭翁湯主之。

此申明宜用白頭翁湯方法。言陰症下利。口不渴。今欲飲水者。以上焦有熱。

傷寒大白 卷四
故也亦以前方清熱

下利譫語以有燥屎也宜小承氣湯

上條以渴欲飲水定熱在上焦此以下利譫語定腸胃有燥屎

下利後更煩按之心下濡者為虛煩也宜梔子豉湯

上條以譫語故定腸胃實熱此條以利後心下濡而不堅故定虛煩也

羌活敗毒散 見發熱 五苓散 見小便不利 乾薑湯 見似瘧

猪苓木通湯

猪苓 白茯苓 澤瀉 木通

太陽熱結下焦用五苓散若陽明熱結家祕用此方

柴苓湯

柴胡 黃芩 廣皮 半夏 甘草 茯苓 猪苓

少陽溼熱每多協熱下利故用此方家祕加乾葛兼治陽明大腸加木通佐其

分利湯

桂枝防風湯

桂枝 防風 桔梗 厚樸 蒼朮 甘草

此治風寒溼熱三氣下利。故用桂枝防風去太陽風寒。用蒼朮去陽明風溼。若風熱溼熱。當以羌活易桂枝。蒼朮四苓散。即四苓散加蒼朮防風。此方表有風溼。裏有溼熱。故以蒼朮散在表之風溼。以四苓利在裏之溼熱。家祕加木通湯調服。功力更大。

蒼朮乾葛湯

蒼朮 防風 乾葛 白芷 厚朴 甘草

風溼內傳。每多下利。河間云風邪內縮。以此方治之。

猪苓湯

猪苓 澤瀉 茯苓 滑石 阿膠

溼熱下利。先散表邪。隨利小便。熱結太陽。用五苓散。熱結陽明。用此方。蒼朮柴胡湯

蒼朮 柴胡 黃芩 半夏 廣皮 甘草 防風

此方治風溼傷於少陽下利者。若見太陽表症加羌活。見陽明表症加乾薑。羌防柴苓湯。

羌活 防風 柴胡 茯苓 黃芩 半夏 廣皮 甘草

外感下利。皆從毛竅而入。必當仍從毛竅而出。故用此方。

黃芩芍藥湯

黃芩 白芍藥 川黃連 甘草

燥火利。以大黃歸芍同用。則清血分之火。與枳殼同用。則清氣分之火。今溼火傷血。故以黃連芍藥同用。加棗肉。又名芍藥黃連湯。兼治內傷血利。

香連丸

木香 川連 等分棗肉為丸

溼火傷血。用當歸黃連清血中之火。今溼火傷氣。故以木香黃連同用。家秘加棗肉為丸。則不損中州。



三乙承氣湯 見大便秘 保和丸 見發狂 平胃散 見譫語 理中湯

見嘔吐 四逆湯 見身痛 大順飲 見腹痛

溫中湯

草豆蔻 乾姜 厚朴 甘草

此方與大順飲同治傷冷飲者。若液乾有熱反為害。

大柴胡湯 見潮熱

白通湯

葱白頭 乾姜 熟附子

此即四逆湯。去甘草加葱白。以通陽氣。少陰下利。脈微厥冷。方可用。

白通加猪膽汁湯 即白通湯。加人尿猪膽汁。溫服。

真武湯

白茯苓 生薑 熟附子 白朮 白芍藥

土虛不能制水。以此方補土中之火。



南京中医药大学图书馆藏

四逆散 見厥冷

白頭翁湯

白頭翁 黃柏 秦皮 黃連

熱利下重。乃是火勢下迫。故以此方主治。

梔子豉湯

山梔 淡豆豉 加薤白 蔥頭

下利心煩。故以此方。先治上焦。

小便不利

太陽熱結。小便不利。仲景用五苓散。家祕用羌獨木通湯。陽明熱結。小便不利。仲景用猪苓湯。木通湯。六一散。另有風溼相搏。身腫身痛。小便不利。用通苓散。羌活勝溼湯。有腸胃熱結。大便閉澀。小便不利。用八正散。有心熱遺於小腸而不利者。導赤各半湯。有上焦肺熱而不利者。清肺飲。有水飲停結而不利者。用平胃四苓散。合二陳湯。有誤汗太過。津液外亡而不利者。用生脈益氣湯。有誤



下太過。中氣損傷。津液內耗而不利者。用生脈建中湯。若論運氣便閉。內經有陽明司天之政。天氣急。地氣明。民病癰閉。此言燥熱加臨也。宜用白虎湯。清燥湯。又云少陰司天之政。地氣肅。天氣明。其病淋。此言君火行令也。宜用瀉心湯。導赤各半湯。又云太陰在泉。溼淫所勝。病小腹腫。不得小便。此言土敗。浸淫也。宜用平胃五苓散。又云水不及。曰涸流。其病癰閉。此言火炎燥土。金不生水也。宜用清肺飲。涼膈散。又云厥陰司天。風淫所勝。民病溇泄。土受木尅。不能分利。小便水穀偏滲。大腸先用羌防勝溼湯。散風祛溼。隨用五苓散。猪苓湯。分利陰陽。另有食滯中焦。小便赤澀黃濁。此即中氣不清。溲便變色。宜用辛溫化滯保和散。加砂仁豆蔻。合蒼朮平胃散。若妄用寒涼。則食滯凝結。另有三陰裏寒。而小便不通。此是陰症寒閉也。真陽不足者。金匱腎氣丸。中氣虛寒。氣化不及。州都者。補中氣湯。外有水腫而小便不利。呃逆而小便不利。女科胎前而不利。跌蹠傷損而不利。另有本門雜症中。

太陽病。發汗後。大汗出。胃中乾。煩燥不得眠。欲飲水者。少少與飲之。令胃氣和。

則愈。若脈浮小便不利。微熱消渴者。與五苓散主之。

發汗後又大汗出。則表邪已解。胃中乾欲飲水。故以水治其乾渴。可以令愈。若脈尚見浮。則表邪未散。又小便不利。微熱消渴。此大陽熱結膀胱。大陽病身黃。脈沉結。小腹鞭。小便不利者。為無血也。

此辨小腹鞭。是水是血。同一身黃。脈沉結。小腹鞭。而以小便利為畜血。以小便不利為溺結。

大下之後。復發汗。小便不利者。亡津液故也。勿治之。得小便。必自愈。

此言汗下太過。津液外亡下竭。勿用劫利膀胱。則病必自愈。

傷寒五六日。已發汗而復下之。胸脅滿。微結。小便不利。渴而不嘔。但頭汗出。往來寒熱。心煩者。此為未解也。柴胡桂枝乾姜主之。

小便不利。裏熱者多。然尚見少陽太陽表證。故立散表法門。

陽明病。發熱汗出者。此為越熱不能發黃也。但頭汗出身無汗。劑頸而還。小便不利。渴引水漿者。此為瘀熱在裏。身必黃。茵陳湯主之。傷寒七八日。身黃如橘。

子色小便不利。腹微滿者。茵陳湯。

此條詳註發黃言表汗未透熱瘀於內故發黃而小便不利。腹微滿用茵陳湯去溼熱則黃退便利。腹滿亦減。

病人小便不利。大便乍難乍易。時有微熱。喘冒不能臥者。有燥糞也。宜大承氣湯。

此症有結糞微熱加以小便不利。故下大便則小便利。詳註不得臥。

五苓散

澤瀉 猪苓 茯苓 白朮 桂枝

陽明小便不利。用猪苓湯。太陽之邪熱內結膀胱而小便不利。用此方。但白朮凝滯。桂枝辛熱。必得裏無鬱熱者可用。

羌活木通湯 見發熱

桂枝五苓散外解太陽表邪。內利膀胱小便。但南方熱令不用。家祕化立。羌活解太陽之表。木通利膀胱之裏。

猪苓湯

猪苓 白茯苓 澤瀉 滑石 阿膠 木通

陽明熱結小便不利不用五苓而用此方家秘以黃芩易阿膠最效
六一木通湯 即木通湯調下六一散

前條以羌活木通湯雙解太陽此條又以滑石木通分利陽明
通苓湯

木通 猪苓 茯苓 車前子 淡竹葉 甘草 麥門冬

此方通利小便家秘加川連清心胃之熱加桔梗黃芩石羔清肺胃之熱加生
地黃柏知母清腎火以滋真陰氣化不及加人參以助肺氣

羌活勝溼湯

羌活 防風 蒼朮 黃柏 澤瀉 茯苓 廣皮 甘草

此方散表勝溼兼用澤瀉黃柏清利下焦極得表裏分消之妙

八正散



北京中医药大学图书馆版权所有